

SKUPŠTINA KANTONA SARAJEVO

**ZAPISNIK SA
17. RADNE SJEDNICE SKUPŠTINE KANTONA SARAJEVO
ODRŽANE U ČETVRTAK, 26.12.2019. GODINE
SA POČETKOM RADA U 10,00 SATI**

Sarajevo, januar 2020.godine

Predsjedavajući Elmedin Konaković (U daljem tekstu: predsjedavajući) je otvorio 17. Radnu sjednicu Skupštine Kantona Sarajevo i pozdravio sve prisutne u sali.

Nakon obraćanja predsjedavajućeg uslijedilo je intoniranje Himne BiH.

Prema evidenciji Službe, sjednici prisustvuje 31 zastupnika i zastupnica, što je dovoljan broj za punovažan rad i odlučivanje:

Izostanak sa ove sjednice opravdala je kolegica Jasna Duraković.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Samra Čosović-Hajdarević
4. Aljoša Čampara
5. Mirza Čelik
6. Sabahudin Delalić
7. Mahir Dević
8. Amra Hasagić
9. Admela Hodžić
10. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vjedor Handžić
4. Elvis Vreto

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak
3. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović

Prijedlog dnevnog reda 17. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 13.12.2019.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 20.12.2019. godine, prihvatio je da se Prijedlog dnevnog reda 17. radne sjednice, dopuni sa sljedećim tačkama:

1. Prijedlog odluke o proširenju djelatnosti Javne ustanove Srednje medicinske škole – Jezero Sarajevo na djelatnost formalnog i neformalnog obrazovanja odraslih (razmatrat će se kao tačka 7.);
2. Prijedlog odluke o davanju saglasnosti za potpisivanje ugovora o neposrednoj zamjeni nekretnina između Kantona Sarajevo i firme “BLOK” d.o.o Sarajevo radi oblikovanja građevinske parcele u svrhu izgradnje poslovnog objekta (prodajno-servisnog centra) na lokaciji Ilidža-Stup i okončanja rješavanja imovinsko-pravnih odnosa na trasi saobraćajnice XII transverzale sporazumnim putem; (razmatrat će se kao tačka 8.);
3. Prijedlog odluke o davanju saglasnosti na Nacrt ugovora o kupoprodaji u stambenom objektu B1-B, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Hasić Amer) (razmatrat će se kao tačka 9.);
4. Prijedlog odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine(Kasim Pezo) (razmatrat će se kao tačka 10.);
5. Prijedlog odluke o davanju saglasnosti na Nacrt ugovora o kupoprodaji u stambenom objektu O1, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Kruščica Samir) (razmatrat će se kao tačka 11.);
6. Prijedlog odluke o davanju saglasnosti na Nacrt ugovora o kupoprodaji u stambenom objektu O2, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Bešlić Belma i Mehidin) (razmatrat će se kao tačka 12.);
7. Prijedlog odluke o davanju saglasnosti na Nacrt ugovora o kupoprodaji u stambenom objektu 3C, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Salić Nusreta i Sedin) (razmatrat će se kao tačka 13.);
8. Prijedlog odluke o davanju saglasnosti na Nacrt ugovora o kupoprodaji u stambenom objektu 3C, izgrađenom u naselju Rosulje, Općina Vogošća, koji će Fond Kantona Sarajevo za

izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Zahida Fazlagić) (razmatrat će se kao tačka 14.).

Prije prelaska na utvrđivanje Dnevnog reda predsjedavajući je podsjetio da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka uslijedilo je razmatranje da se Prijedlog izmjena i dopuna Budžeta Kantona Sarajevo za 2019. godinu, donese po hitnom postupku.

Kolega Čelik poslovnička intervencija.

Zastupnik Mirza Čelik je imao poslovničku intervenciju (citiramo):

„Zahvaljujem predsjedavajući. Pozdravljam sve prisutne kao i gledaoce pored malih TV ekrana. Prije nego što kažem zbog čega sam se javio želim da poželim sretan Božić katolicima kako u BIH, tako i u inostranstvu. Naime, javio sam se zbog dopune dnevnog reda. U skladu sa članom 73 i 74 i 83, mi smo dostavili kao nova parlamentarna većina, želim da napomenem nova parlamentarna većina zahtjev za dopunu dnevnog reda. A tiče se dvije tačke koje ste dobili na Kolegiju i koje niste razmatrali kao zahtjev za dopunu dnevnog reda 17. radne sjednice. Stoga vas pozivam da prijedlog koji smo dostavili sa dvije tačke dnevnog reda budu dio dnevnog reda 17. Radne sjednice i to kao tačka 2 i 3. i u skladu s Poslovníkom članom 83, dnevni red utvrđuje Skupština Kantona Sarajevo, a nikako Kolegij. Kolegij predlaže dnevni red, i to je definisano Poslovníkom. Stoga još jednom vas molim, očito je da je ova stara parlamentarna većina koja je bila do neki dan, do kada se prikupilo 18 ljudi okji su potpisali zahtjev za smjenu i izglasavanje nepovjerenja Vladi, ništa se poslije toga nije promijenilo kao ni danas. U Skupštini Kantona Sarajevo je trenutno nova parlamentarna većina i ja vas molim zaista da postupamo u skladu sa zahtjevom nove parlamentarne većine. Ali evo, uzmete u razmatranje i ovo s naše strane da je korektno da 18 zastupnika koji su u Skupštini Kantona Sarajevo čine novu parlamentarnu većinu i evo još jednom, ove dvije tačke dnevnog reda bi se trebale naći na 17. Radnoj sjednici i to dva i tri da budu po predloženom dnevnom redu. Zahvaljujem.”

Predsjedavajući Elmeđin Konaković je dao sljedeće obrazloženje (citiramo):

„Zahvaljujem kolega Čelik, dužan sam vam pojašnjenje. Prvo je to jedan krivi navod nije to da se nije razmatralo. Razmatrale su se i odbile su se tačke dnevnog reda na Kolegiju koji priprema dnevni red za Skupštinu Kantona Sarajevo. Nikada se u istoriji ove Skupštine nije dogodilo da se na samoj sjednici uvrsti tačka dnevnog reda, jer je Poslovník jasan i precizan koji kaže: na toj smo sjednici, podsjetit ću vas odbili i neke tačke Vlade. Bilo ih je četiri ili pet koje je Vlada prosljedila, nisu imale formu koje su mogle zadovoljiti kako bi se našle na dnevnom redu Skupštine jer je Kolegij isključivo taj koji priprema dnevni red. Skupština se o tome izjašnjava i o njemu glasa. To je osnovni razlog. Drugi razlog, u vrijeme podnošenja vašeg zahtjeva, radilo se o možemo reći legitimnom zahtjevu. 18 ljudi u Skupštini potpisanih, čine novu parlamentarnu većinu. Na papiru je to tako. Poslovník precizno kaže da se uz zahtjev za smjenu Vlade dostavlja detaljno obrazloženje. Zahtjev koji je stigao od vas, bio je na dvije strane, i pisalo je samo da ima nekih 18 ruku. Poslovník je napisan neki su ga pametni ljudi pisali, dakle i kaže se da Vlada može, jer svaka Vlada je imala takvu priliku, pa i moja, kada ste mene smjenjivali, može obrazložiti i odgovoriti na ono što se zovu razlozi detaljno pojašnjeni za njenu smjenu. Takvo demokratsko pravo pokušavate osporiti Vladi Kantona Sarajevo u ovom sazivu, a moja obaveza po Ustavu i Poslovníku je da štitim Zakon i procedure. Poslovník je statut, ustavna kategorija. Precizno definiše način predlaganja dnevnog reda o kojem se Skupština danas izjašnjava. Ako imamo većinu radimo dalje, ako nemamo većinu, nemamo sjednicu. Dakle vrlo su to jednostavne procedure. Obavještavam vas, dok sam predsjedavajući Skupštine Kantona Sarajevo ni jedna se nezakonita stvar u ovoj sali neće desiti. Da smo svjesni parlamentarne volje, pokazuju naredne činjenice. U skladu s Poslovníkom zakazan je Klub Bošnjaka za sutra u 13,30. U onih 12 dana kako precizira Poslovník. U skladu s Poslovníkom i čak uz manjkav dokument zakazana je sjednica na kojoj ova tačka koju vi

tražite će biti tačka dnevnog reda u kojoj će nova većina, ako je ima, moći precizirati kratak rok o izjašnjenju o nepovjerenju Vladi Kantona Sarajevo. I sve ponavljam, ponovo, u skladu s Poslovnikom koji nam za taj proces daje do 30 dana. Dakle, da ovdje neko nešto koći, da se to izbjegava, možda bi bilo smisla čak da o tome raspravljamo. Ovdje niko ništa ne koći, vama se ne sviđaju rokovi, ali ovo ljudi nisu zaslužili da ih se nekom brutalnom primjenom sile, i eventualno kršenjem Poslovnika, u roku od 24 sata, 72 sata, neko skupi ruke, potpiše to. To tako u politikama ne ide. Ovdje naravno neće ići. Upozoravam sve prisutne, stručnu službu, dopredsjedavajuću i ostale, da ću poduzeti sve pravne radnje kako bih spriječio zloupotrebe položaja, kako bih spriječio kršenje Poslovnika državnih službenika koji su dužni pridržavati se slova Zakona, jer dok sam predsjedavajući Skupštine i dok imamo Kolegij koji tako razmišlja ova sala poznata u BiH po svojim demokratskim procedurama, nastaviti će tako raditi. Podsjećam vas kada ste imali sve ruke da smjenjujete mene lično, kao premijera, ispoštovali ste sve procedure. Danas mi se čini da pokušavate ne poštovati procedure a nemate te većine u Kolegiju niti predsjedavate Skupštinom. Živ sam i zdrav, ništa ne odbijam. Sve smo pokrenuli, procedure su zakazane. Ne može mi niko uzurpirati moje pravo na mikrofon, vođenje sjednice, prekidanje i zakazivanje. Kolegij, u sazivu u kom sad funkcioniše, vrlo profesionalno radi svoj posao, poštujući Poslovnik. I pozivam vas da se vratite u okvire parlamentarne demokratije, da nastavimo s radom, jer danas je pred nama dokument u kojem pored rebalansa imamo i budžet. U Rebalansu su vam one presude, nagodbe, plate, socijalna davanja, porodilje, penzioneri, borci, djeca, mladi, svi su tu. U budžetu sve ono što ste najavili u javnosti da ćete podržati, dakle i amandmane koje su neki uputili, također su razmatrani, nemojte da pravimo cirkus od ove Skupštine. Poštujemo Poslovnik. Neću dozvoliti uzurpaciju. Nikakve sjednice nema mimo procedura. Dužan sam to radi javnosti i svijetu vas da vas obavijestim. Ne postoji opcija onako kako vi interpretirate Poslovnik, da kada nešto Kolegij odbije, da se to ko biva raspravljala na samoj sjednici ta tačka. Prvo niti je bila spremna za taj Kolegij, niti je Kolegij odlučio da ona može, kao i druge tačke koje dolaze. Dat ću vam stotinu ovih podsjetnika u kojima na identičan način, ja, moji prethodnici, unazad 15 godina, na isti način otvaramo sjednicu, na isti način glasamo o dokumentima. Svi na isti način interpretiramo Poslovnik. I čitam posebno dopunu koju je Kolegij prihvatio. A nikada se ne čitaju tačke koje Kolegij nije prihvatio. To nije u skladu s Poslovnikom koji je ustavna kategorija. Kolega Čelik, izvolite.”

Zastupnik Mirza Čelik se prijavio za ispravku krivog navoda (citiramo):

„Ispravka krivog navoda. Prije svega zaista ne želim da ovu današnju sjednicu pravimo kao što ste naveli sjednicom cirkusa. Naime, o čemu se radi. Ti zapisnici možda i jesu nešto što se dešavalo kroz historiju. Znači to su historijski dokumenti. Ali ima i načelo demokratije koji treba da se poštuje. Nova parlamentarna većina i u skladu sa Ustavom i sa Poslovnikom o radu Skupštine Kantona Sarajevo definiše da 51% od izabranih zvaničnika je dovoljno da se donose odluke i sve ono što se predlažem od ovlaštenih predlagача. Ja ne vidim ništa sporno predsjedavajući da je 51% zastupnika koji su se potpisali, nelegitiman, neustavan, da izbjegavamo procedure po Poslovniku. I to je činjenica. Mi se danas moramo svi pogledati u oči i kazati da je nova parlamentarna većina i da vi kao predsjedavajući znate da je sutra zakazana sjednica Kluba Bošnjaka, gdje nova parlamentarna većina bez obzira na sve vjerovatno će izabrati novog predsjedavajućeg. Vlada treba da bude spremna na to da ne čini nešto što nije u skladu sa zakonom i što će biti podložno krivičnim prijavama od zapošljavanja, izmjene sistematizacije po ministarstvima, u preduzećima i sve ono što teče kao jedan vid promjene ili prekompozicije, kako smo to govorili često, vlasti u Kantonu Sarajevo. Ovo je demokratsko načelo 18 ljudi koji su zaista danas spremni ako treba ponovo da pokažu da je nova parlamentarna većina i da trebate procedure poštovati u skladu sa 83. članom Poslovnika o radu Skupštine. Toliko, evo ja nemam ništa zaista, niti ću se uključivati više. Mi smo kazali to što jesmo. Danas ćete vidjeti zaista da postoji nova parlamentarna većina, tako da evo vi treba da se pripremite za opoziciju i nadam se da ćete svi vi biti dobri opozicionari, kao što smo mi bili. Hvala vam.”

Predsjedavajući je replicirao zastupniku Mirzi Čeliku kako slijedi:

„Kolega Čelik, meni je ovo šesta promjena Vlada u zadnjih nekoliko mandata. U nekima sam bio lider, u nekima su me rušili, u nekima sam rušio. I nekima sam radio neke stvari koje kodeksom nisu bile dozvoljene, pa sam i kifile unosio. Mada je tada bilo i red bulova, i milki, a pričalo se o kiflama.

Ne dvojimo da bilo ko išta dvoji od ovoga o čemu vi govorite. Mi možemo javno pričati ono što mislimo. U smislu poštivanja procedura, potpuno su ispoštovani vaši zahtjevi. Razmatrani su, na Kolegiju nisu uvršteni, zato je zakazana nova sjednica na kojoj ćete potvrditi o čemu vi govorite. U skladu s Poslovníkom. Pokušaj tumačenja člana 72, 73, 74 da je ono što se na Kolegiju odbije, razmatra Skupština i glasa, jer ima neka većina, možete to potražiti na nekom sudu, eventualno neku zaštitu. Dok ja predsjedavam to je kršenje Poslovníka. Dakle, to ne mogu dozvoliti. Sazivanja hitnih sjednica, precizirana su Poslovníkom, koji kaže karakter hitnosti ko određuje, sazivanja u kraćim rokovima, sazivanja. Još vas podsjećam kada smo imali istu tu parlamentarnu većinu i mnogo brojniju sa 24 ruke nismo zakazali u ovoj sali hitnu sjednicu. Nego smo ispoštovali poslovníke, zakazali i poslali na vrijeme materijale, Vlada na čelu sa Ademom Zoljem radila je toliko koliko je bilo potrebno da se ove procedure identične, ispoštuju. I zato o tome ko je kakav mi možemo pričati, ali ne želim zaista da zamaram ovu Skupštinu nikakvim posebnim političkim temama. Nismo to uradili samo zato što to nije u redu, i što nije poslovníčki. Dakle, nismo to uradili, a imali smo sve većine. I u Kolegiju već smo imali izabrano rukovodstvo, i u Skupštini smo imali većinu, ispoštovali smo procedure. Dakle, ispoštovat ćemo ih i ovaj put, i pozivam vas da ovu raspravu ne vodimo predugo. Ako ste naumili da to danas izađete. Možete boga mi, bilo kakvu sjednicu mimo procedura neću dozvoliti u ovoj Skupštini. Doći ću, Poslovník mi daje puno pravo, odmah ću je prekinuti uz konsultacije sa dopredsjedavajućim, onako kako mi Poslovník to dozvoljava. I tako mogu tri mjeseca. Da želimo opstruirati to je model da se vuče šest mjeseci. Ne pada nam na pamet. Dakle, vrlo je jasno i objasnio sam, 18 je stiglo. Poslovník kaže u roku od mjesec se mora desiti Skupština. Desit će se. Ljudi potvrde eventualno nepovjerenje Vladi. Vlada ima sedam dana da podnese ostavku, nakon sedam dana dostavlja se ime mandataru. U roku od 14 dana zakazuje se nova sjednica, niko, to sada javnosti govorimo, nije bitno šta govorimo vama, niko neće ni jedan zarez Poslovníka kršiti dok sam ja ovdje. Ali isto tako, ni s druge strane tačke dnevnog reda na samoj sjednici, ko biva ovdje u 73 i 74 kaže u skladu sa 72 i 73. naravno, ali u skladu s ovim što sam sada pročitao. Prvo sam pročitao dopune, jer su to članovi 72 i 73. zna se ko ih i u kom roku može dostaviti. A onda čitam cijeli dnevni red. Vi sada da kažete to se može danas, evo pokrenite apelaciju i pokažite da može. Odgovarat ću ako treba moralno, materijalno i na svaki drugi način. Nema dileme o ovom što ste vi govorili. Al ja sam ubijeden da nema dileme o ovome što ja govorim. Dakle, precizno i jasno nemate zakonski osnov. Neću to dozvoliti, glasat ćemo ovako kako piše u podsjetniku. U skladu s Poslovníkom. Hoćete li kolega Čelik? Rekli ste nećete. Nikada ne reci nikada.”

Zastupnik Mirza Čelik je odgovorio na repliku: „Nikad ne reci. Bravo. Ma ne, činjenica jeste da na osnovu kojeg zahtjeva ili na temelju čega ste vi zakazali tu sjednicu koja će se desiti u januaru sa tačkom već koju smo mi predložili. Jasno je bilo precizirano da nova parlamentarna većina želi da se to desi na 17 radnoj sjednici. Znači ukoliko to niste odbili, znači taj akt ne može ići na 18 radnu sjednicu. Ovaj akt je potpisan od strane 18 ljudi, isključivo sa zahtjevom za dopunu na 17. radnu sjednicu. I tu prestaje dalja procedura što se tiče ove nove parlamentarne većine. Znači jasno je decidno navedeno u zahtjevu okjeg smo predali na protokol kojeg ste vi dobili predsjedavajući, prosljedili Kolegiju sa naznakom za 17. radnu sjednicu. Evo toliko.”

PREDSJEDAVALJUĆI JE KONSTATOVAO DA NEMA PRIJAVLJENIH ZA DISKUSIJU PA JE ISTU ZAKLJUČIO I POZVAO ZASTUPNIKE I ZASTUONICE DA PRISTUPE IZJAŠNJAVANJU DA SE PRIJEDLOG IZMJENA I DOPUNA BUDŽETA KANTONA SARAJEVO ZA 2019. GODINU DONESE PO HITNOM POSTUPKU.

NAKON IZJAŠNJAVANJA KONSTATOVANO JE DA JE SKUPŠTINA (21 "ZA", 11 „PROTIV” I 1 „SUZDRŽAN”) USVOJILA PRIJEDLOG DA SE PRIJEDLOG IZMJENA I DOPUNA BUDŽETA KANTONA SARAJEVO ZA 2019. GODINU DONESE PO HITNOM POSTUPKU.

Nadalje predsjedavajući je podsjetio na drugi Prijedlog zakona po hitnom postupku, Prijedlog zakona o izmjeni Zakona o izvršavanju Budžeta Kantona Sarajevo za 2019.

S OBZIROM DA NIJE BILO PRIJAVLJENIH ZA PITANJA I DISKUSIJU PREDSEDJAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU DA SE ZAKON O IZMJENI ZAKONA O IZVRŠAVANJU BUDŽETA KANTONA SARAJEVO ZA 2019. DONESE PO HITNOM POSTUPKU.

NAKON IZJAŠNJAVANJA KONSTATOVANO JE DA JE SKUPŠTINA (20 "ZA",11 „PROTIV” I 2 „SUZDRŽANA”) USVOJILA PRIJEDLOG DA SE ZAKON O IZMJENI ZAKONA O IZVRŠAVANJU BUDŽETA KANTONA SARAJEVO ZA 2019. DONESE PO HITNOM POSTUPKU.

UTVRĐIVANJE DNEVNOG REDA SJEDNICE

Prijedlog dnevnog reda današnje, 17. Radne sjednice:

1. Poslanička/zastupnička pitanja, inicijative i odgovori;
2. Prijedlog izmjena i dopuna Budžeta Kantona Sarajevo za 2019. godinu -hitni postupak;
3. Prijedlog zakona o izmjeni Zakona o izvršavanju Budžeta Kantona Sarajevo za 2019. godinu -hitni postupak;
4. Prijedlog budžeta Kantona Sarajevo za 2020. godinu;
5. Prijedlog zakona o izvršavanju Budžeta Kantona Sarajevo za 2020. godinu,
6. Prijedlog odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.2020. godine do 31.03.2020. godine;
7. Prijedlog odluke o proširenju djelatnosti Javne ustanove Srednje medicinske škole – Jezero Sarajevo na djelatnost formalnog i neformalnog obrazovanja odraslih;
8. Prijedlog odluke o davanju saglasnosti za potpisivanje ugovora o neposrednoj zamjeni nekretnina između Kantona Sarajevo i firme “BLOK” d.o.o Sarajevo radi oblikovanja građevinske parcele u svrhu izgradnje poslovnog objekta (prodajno-servisnog centra) na lokaciji Ilidža-Stup i okončanja rješavanja imovinsko-pravnih odnosa na trasi saobraćajnice XII transverzale sporazumnim putem;
9. Prijedlog odluke o davanju saglasnosti na Nacrt ugovora o kupoprodaji u stambenom objektu B1-B, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Hasić Amer);
10. Prijedlog odluke o davanju saglasnosti na nacrt ugovora o kupoprodaji u stambenom objektu B1-B, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Kasim Pezo);
11. Prijedlog odluke o davanju saglasnosti na Nacrt ugovora o kupoprodaji u stambenom objektu O1, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Kruščica Samir);
12. Prijedlog odluke o davanju saglasnosti na Nacrt ugovora o kupoprodaji u stambenom objektu O2, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Bešlić Belma i Mehidin);
13. Prijedlog odluke o davanju saglasnosti na Nacrt ugovora o kupoprodaji u stambenom objektu 3C, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Salić Nusreta i Sedin);

14. Prijedlog odluke o davanju saglasnosti na Nacrt ugovora o kupoprodaji u stambenom objektu 3C, izgrađenom u naselju Rosulje, Općina Vogošća, koji će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Prodavac, zaključiti sa kupcem nekretnine (Zahida Fazlagić);
15. Izvještaj o poslovanju Kantonalnog javnog preduzeća "Veterinarska stanica" d.o.o. Sarajevo za 2018. godinu.

PREDSJEDAVALA JE POZVALA ZASTUPNIKE I ZASTUPNICE DA PRISTUPE IZJAŠNJAVANJU O PREDLOŽENOM DNEVNOM REDU.

NAKON ELEKTRONSKOG GLASANJA KONSTATOVANO JE DA SKUPŠTINA NIJE USVOJILA (15 "ZA", 17 „PROTIV I 1 „SUZDRŽAN”) DNEVNI RED ZA 17. RADNU SJEDNICU.

Izražena je sumnja u glasanje pa je Sekretarka po ovlaštenju Almira Kulovac Šetkić provela pojedinačno izjašnjavanje kako slijedi:

1. Aljović Hamed PROTIV
2. Bešlija Vildana ZA
3. Bišćević-Tokić Jasmina PROTIV
4. Čampara Aljoša PROTIV
5. Čelik Mirza PROTIV
6. Čosović-Hajdarević Samra PROTIV
7. Delalić Sabahudin PROTIV
8. Dević Mahir PROTIV
9. Dizdarević Neira ZA
10. Duraković Jasna OPRAVDANO ODSUTNA
11. Handžić Vibor ZA
12. Hasagić Amra PROTIV
13. Hasanović Senad PROTIV
14. Hodžić Admela PROTIV
15. Jakupović Vedran ZA
16. Junuzović-Kaljić Amra ZA
17. Kerla Bibija PROTIV
18. Konaković Elmedin ZA
19. Krstić Danijela ZA
20. Marić Zvonko PROTIV
21. Marjanović Damir ZA
22. Mekić Amel ZA
23. Memić Arijana ZA
24. Milavica Sead PROTIV
25. Nikšić Damir ZA
26. Okerić Elvedin ZA
27. Pecikoza Fahrudin PROTIV
28. Pleho Haris SUZDRŽAN
29. Poturak Dževad PROTIV
30. Srna- Bajramović Segmedina ZA
31. Stojanović Igor ZA
32. Suljević Samir ZA
33. Šahman Bilsena PROTIV
34. Viteškić Smiljana PROTIV
35. Vreto Elvis ZA

Predsjedavajući je konstatovao da nije usvojen Dnevni red te da se time nisu stekli uslovi za održavanje 17. Radne sjednice. Rezultati glasanja su bili sljedeći : 16 „za”, 17 „protiv” i 1 „suzdržan”.

U nastavku, predsjedavajući je najavio sjednicu Kolegija u 11,30 sa tačkom dnevnog reda „zakazivanje redovne sjednice” na kojima će se usvajati privremeno finansiranje budžeta ZZO, Službe za zapošljavanje u skladu sa rokovima predviđenih Poslovníkom.

Zapisnik izradila:
Jasminka Deliahmetović

Po ovlaštenju

SEKRETAR
SKUPŠTINE KANTONA SARAJEVO

Almira Kulovac Šetkić, dipl. Pravnik

PREDSEDAVAJUĆI
SKUPŠTINE KANTONA SARAJEVO

Elmedin Konaković